

71909/15.5.73

+ Martin Gebhard Jacomet-Valier



(Comm.) Igl ei bein raschuneivel e dueivel sch'il scribent da questas lingias ughigia da purtar a siu vegl amitg ina cuorta undrientscha, ad in um d'ina urdadira tut aparti. Sia veta ei stada lavur ed vraziun. El vegneva savens clamaus als pli grevs posts da lavur. Cura ch'il zenn da miert ha annunziu la mort giud la giganta tuor da s. Vigeli, er'el en siu 76avel onn. Avon onns vegn ei detg, che in um fetg respectau eri sin murir. Ins visitavi el stediamein. S'approximond l'ura dalla mort, hagi el exclamau: «Sche Vus haveis aunc da dir enzatgei, fagei spert, pertgei avon esch ei in hosp che ha prescha». Inaga ch'igl aunghel dalla mort splunta dat ei neginas vias per fugir. El ei tarmess da Diu che ha schenghiau la veta. El sulet ha il dretg da prender ella cura ch'el vul. En sontga obedienscha exequescha igl aunghel l'incumbensa dada ad el senza dumandar cons onns ha quel ch'el viseta, eis el vegls ni eis el giuvens, bials ni macorts.

Il defunct **Gebhard Jacomet** ei naschius ils 3 da settember 1897. Ses geniturs Luis Jacomet ed Onna Maria Jacomet-Peder stevan a Cavorgia. Ina famiglia dad 8 affons sco els eran, era da lezzas uras ellas simplas stretgas relaziuns in ualti grev pensum. Ei ha schizun era dau enqual crusch a Cavorgia. Dus da ses frars ein negai, ch'ei stau per il defunct sco per l'entira famiglia ina gronda frida. Sco giuven mattatsch da 18 onns ha el suenter la mort da siu bab stuiu surprender sez il grev buordi da cau-famiglia. Grevs e stgirs onns ils anno 1914—1918. Igl onn 1916 ha el absolviu la scola da recrut ad Andermatt. Senza retenientschas astg'jeu remarcar con sempels e spargnus ch'el era. Da lezzas uras era la paga sut militer buca fetg gronda. Ins stueva haver special quitau dalla custeivla muneida. En quei connex vulessel relatar il sequent. Quei ha il permiert sez raschunau a mi. El hagi spargnau ensemen quels paucs raps e tratg giud l'atgna bucca. Pia desistius dil quercli vin. Il resultat ei staus quel ch'el hagi cun ses daners spargnai cumprau ina stupenta vadijala. Pia buca vegnius mo cul sac da posta plein resti tschuff, mobein aunc cun ina vadijala. Sedomiciliaus a Sedrun ei igl incarnau um dalla lavur semess da forza vid il menaschi puril. El ha runcau, urbarisau, tratg ora las auas a praus da meins valeta e teniu ensemen sco aur mintga carghentada grascha, per gie preparar tier endretg ses bials praus gia avon maridar.

Igl onn 1928 eis el lu sespusaus cun la giuvna Luzia Beer, la quala ha purtau en lètg 2 affons. Christina e Giusep, omisus oz maridai. Il Sep ei secasaus giu la bassa a Zuzwil. La Christina en siu vitg nativ. Ussa er'il Gebhard buca pli persuls, ed era schi leds e cuntents ch'el veva siu bien uorden. Per aunc cumpletar meglier siu muvel, ha el immediat mess neu in cavagl. Quel ha purtau ad el paun e fadigia. Denton buca persuls. Igl um stueva era aunc esser a per cul cavagl per che la lavur marschi. Da siu fideivel tier havev'el bien quitau, tier schar luviar el enqualga pli che detgavunda. Gie ins astga bein dir gl'empren vegneva secapescha la dunna, lu suenter il cavagl e las vaccas. Fruntav'ei ch'el stueva muort maldispostadad schar il cavagl sin punt, vegneva quel tractaus cun tut quitau. Gie quasi sco ina buna mumma flaghegia ses pigns. La buna Luzia raschunava savens cun bucca rienta: «Gie avon che schar muncar vid siu

cavagl, in summa vid ils tiers sauns ni malsauns, stess el garantiu senza da magliar!» El veva in dun aparti da fittar e rugalar ses tiers. Rugalava las cornas ed ils peis a sias caras puschas e duvrava schizun in stel jeli per far tarlischar la biala corna. Quei secapescha buc adina cun consentiment dalla cara dunna. Bialas vaccas cun testas loschas sco'l tgau d'ina biala matta apprezzava el fetg. Denton quei bein: El era quel che teneva plitost cun las miserieras e buca cun las pugnieras. Co tarlichava sia fatscha cun el vegneva en senneria cun brentunas latg. Buca per nuot schev'el. Gie in pugn frina dat betg ina sadiala latg. Co o ai num pasantar ple afuns al sac.

Inaga erel jeu presents cu el ha fittau siu cavagl. El era ual vid la finiziun da quella demonstra-ziun. Pia er'el ual vid igl unscher ils calzèrs dil tguli, e lu haiel fatg si per el: «Uss empau ei empau. Tgei tratgas era? Quel ha buca ded ir a saltar.» «Gie sas miu bien», ha el rispundiu. «te eis er'aun in dala urdadira veglia. Fa tarlisché a tracta als cazes da miu tgavai è giest schi nazasari scu prexempel da culur las unglas dallas mattauns api-cuesta quella tintura aun in bien taun da mains.» Propi cu el preparava siu tguli, e lu haiel fatg si per el. Uss empau ei nobels e meins nobels gasts. Contas scheladas ha il permier fatg da di e duront ferdalentas notgs, ch'ei buca adina stau da gudogn per sia sanadad. Il tguli vesev'ins savens er'en auter format, suentaus e strapazzaus dallas grevas lavurs da mintgadi. Denton ei vegneva dumengia denteren e lu seruassavan omisdis. Da menziunar fuss ei aunc ch'el ha fatg il cutsch cun 4 cavals de rumper via en tuttas nevadas e cufas. Da Sedrun-Tschamut e Sedrun a Mustér, e bein enqualga en prighel da lavina. Vegnend la sera sco in giut staunchels e sfraccaus dal strapaz dalla greva lavur, aveva el aunc adina siu bien humor. Denton han era las cruschs buca muncau tier el.

Sia buna casarina e preciada consorta, ha il Segner clamau gia ils 25 da zercladur 1953. El ha surportau quei clom cun tutta pazienza. Ussa era el puspei persuls cun ses dus affons. In um da lavur e strapaz sco el era, stueva haver siu bien uorden. Il Segner ha buca bandunau el era en quei grau. Igl onn 1955 eis el sespusaus cun la giuvna Christina Valier che ha veramein giu bien quitau per el sco seriusa casarina e cun bien plaid e cussegl en tut siu grev menaschi. Suentertons onns de greva e stentusa lavur vev'el sin giavisch da sia cara consorta tuttina ughegiau da schar ruassar il pauper tgierp per in triep dis da vacanzas giu la bassa tier sia glied. Principalmein tier igl aug Toni, schef dalla polizia dil marcau da Basilea. Gie, ei era tut curios cu ins veseva buca pli il Gebhard a semudergiond e barhond sin la campagna. Vegnend anavos da sias vacanzas, ha il sribent da questas lingias dumandau el co ei seigi stau. Jeu queti ch'el seigi perfin vegnius pli bials. «Uras eis ei stau da vegnir», hai jeu detg ad el. «Nus schevan encre-scher per Tei. Co s'ei stau, raquenta.» «I on fatg bien cun mè gnanc da di. Dantaun ju sun staus bi leids da savai turna ain miu igniv. Ju detsch da te canera a puspè canera da vagnir matutins, ugien puspè scava la tiara a fa ora crappa. Ussa sas te co i o plaschiu.»

Avon entgins onns havev'el dismiss il muvel e siu fideivel cavagl, per il qual el ha bunamein spons larmas. Gie, siu fideivel tguli vess bunamein giu la cuida da purtar il mistral. Duront ils davos onns ha el cun sia cara consorta saviu prender pli per lev e cheutras passentar ina biala sera dalla veta. Aunc enzatgei d'emblidar eis ei tuttavia buc, ch'el fageva aunc ils davos onns il transport dils morts en vischnaunca cun siu fideivel tguli al sanctuari da s. Vigeli. Vegli il Segner remunerar el grondamein persuentier.

Ei corrispunda segir al giavisch da ses vischins da lunsch e da maneivel, ils quals han stuiu spluntar savens tier el per las pli grevas lavurs, dad admetter en quei connex ad el sincer engraziament. Ei resta pia a nus il duer da seregurdar dil car defunct e dad exprimer a sia cara consorta ed affons nossa sincera condolient-scha.

Vegl e bien amitg! Jeu salidel Tei da tut cor springiend l'aua benedida vi sur Tia fossa frestga. Jeu engraziell per Tiu bi e serius spert da lavur. Possi quei exempel esser d'engrau e dar curascha ad in e scadin. Sin via encunter casa, (e quei essan nus tuts) tier il bab da tutta veta terrestre e celestiala, concludel jeu mes munglus plaids cun in fervent «Requiescat in pace». — Vegl amitg stai bein, in di nus sevesein!